



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

06.07.2022

155-tm-son

### **Talabalar safidan chetlashtirish to'g'risida**

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarini shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Akademik halollik talablari va Odob-axloq kodeksini buzish holatlari kuzatilmoqda.

Xususan, 2021/2022 o'quv yili bahorgi semestrda 1-kurs talabalari tomonidan maxsus jihozlangan auditoriyalarda elektron ta'lim platformasi orqali kompyuterda o'tkaziladigan yakuniy nazorat yozma ishlarini topshirish jadvaliga muvofiq 2022-yil 13-iyun kuni yuristlar uchun xorijiy til fanidan o'tkazilgan yakuniy nazorat imtihoniga Xususiy huquq fakulteti 1-kurs talabasi Raimov Nurbek Abdusalom o'g'lining o'rniga Jinoiy odil sudlov fakulteti 1-kurs talabasi Qulpiddinov Lutfillo Xayrullo o'g'li kirganligi aniqlangan.

Talaba L.Qulpiddinovdan mazkur holat yuzasidan tushuntirish olinganida, u N.Raimov bilan oldindan tanish bo'lganliklarini, N.Raimov unga yuristlar uchun xorijiy til fanidan oraliq nazorat ishidan past baho olganligini, shu bois uning o'rniga yakuniy nazorat imtihoniga kirib berishni so'raganligini, shundan so'ng u N.Raimovning o'rniga yakuniy nazorat imtihoniga kirganligini bayon qilgan.

Talaba Raimov Nurbek Abdusalom o'g'li L.Qulpiddinovning gaplarini tasdiqlab, sodir etilgan bu hatti-harakat zamirida haq evaziga xizmat ko'rsatish yoki boshqacha tarzda moddiy manfaat yotmaganligini qo'shimcha qilgan.

Toshkent davlat yuridik universiteti Akademik halollik talabalarining 21-bandida "boshqa shaxs sifatida namoyon qilish – imtihonlar, test sinovlari, laboratoriya ishlari yoki boshqa topshiriqlar paytida akademik imtiyozlarni qo'lga kiritish uchun o'zini boshqa shaxs sifatida namoyon qilish yoki o'z o'rniga boshqa shaxslarni kiritish" akademik nohalollik sifatida belgilangan.

Mazkur Akademik halollik talabalarining 38-bandi to'rtinchi xatboshisida talabalarining 21 va 24-bandlarida nazarda tutilgan nohalollik (qoidabuzarlik)ga yo'l qo'yish – talabalar safidan chetlashtirish uchun asos bo'lishi ko'rsatilgan.

Shuningdek, talaba Raimov Nurbek Abdusalom o'g'li o'zining yuqoridagi

xatti-harakatlari bilan Toshkent davlat yuridik universiteti Odob-axloq kodeksining 26-moddasi (talabalar qonun hujjatlari va mazkur kodeks talablariga rioya etish), 27-moddasi (yozma ishlarni himoya qilish va reyting nazoratiga doir tartib-qoidani bajarish vaqtida chetdan yordam olmaslik, o'zgalarga yordam ko'rsatmaslikka) da belgilangan qoidalarni qo'pol ravishda buzgan.

Yuqoridagilarni inobatga olib, O'zbekiston Respublikasi Vazirlar Mahkamasining 2017-yil 20-iyundagi 393-son qarori bilan tasdiqlangan Oliy ta'lim muassasalari talabalari o'qishini ko'chirish, qayta tiklash va o'qishdan chetlashtirish tartibi to'g'risidagi nizomning 36-bandi "g" kichik bandi, Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Akademik halollik talablarining 21, 38-bandlari, Toshkent davlat yuridik universiteti Odob-axloq kodeksining 26, 27-moddalari hamda universitet Ichki tartib qoidalari (ichki mehnat tartibi qoidalari)ning 83-bandiga asosan shuningdek universitet O'quv-uslubiy kengashining bayonnomasi va Odob-axloq komissiyasi xulosasiga muvofiq,

#### **BUYURAMAN:**

1. Universitetning Xususiy huquq fakulteti 1-kurs talabasi Raimov Nurbek Abdusalom o'g'li universitet Akademik halollik talablarining 21, 38-bandlari, Odob-axloq kodeksining 26-modda ikkinchi qism, birinchi xatboshi, 27-modda birinchi qism, to'rtinchi xatboshilaritalablarini buzganligi uchun talabalar safidan chetlashtirilsin.

2. Fakultet dekanlari (Sh.Saydullayev, D.Kamalova, D.Umarxanova, E.Rahmatov) mazkur buyruq mazmun-mohiyatini talabalar e'tiboriga yetkazilishi va har bir akademik guruhda keng muhokama qilinishini ta'minlasin.

3. Xususiy huquq fakulteti dekani o'rinbosari (E.Rahmatov) mazkur talabaning shaxsiy hujjatlar yig'majildiga buyruq nusxasi tikilishini ta'minlasin.

4. Mazkur buyruq bajarilishini nazorat qilish prorektor A.Xashimhonov zimmasiga yuklansin.

**Rektor**



**A.TASHKULOV**

Toshkent shahar

### **Kiritildi:**

YOshlar masalalari va maʼnaviy-  
maʼrifiy ishlar boʻyicha dekan  
oʻrinbosari

E.RAHMATOV



### **Kelishildi:**

O'quv ishlari boʻyicha prorektor -  
TDYuU qoshidagi akademik litsey  
direktori

I.RUSTAMBEKOV



Bosh buxgalter

M.PARPIYEV



Direktor

X.PIRMEDOVA



Katta yuriskonsult

E.XOSILOV



Markaz direktori

S.MAMANAZAROV



Yoshlar masalalari va maʼnaviy-  
maʼrifiy ishlar boʻyicha birinchi  
prorektor

A.XASHIMHONOV



### **Buyruq bilan tanishdim**

E.RAHMATOV

